

fra il padrone **LUIGI**, il colono **BARBARINO**, l' **ARCI-  
PRETE** e **BALDO** il ciabattino, in occasione di una cena.

**POESIA IN DIALETTO ROMAGNOLO**

Una volta un zavattein  
l'andò ma ches d'un contadein  
per dei dou punt a ti scarpoun  
e trovò e pret con e padroun,  
ch'iera andè che de in campagna  
tutti dou per fe zampagna.

Quand l'arriva zert persoun  
a ne più pieda d'formantoun  
a tta ches di contadein  
ma di bon cib e de bon vein.

Diffat chel don a tla cusena  
al faseva dla piadeina  
sfoieda, unta për davera  
proprie fata alla molera  
• pu e bolliva ma la iola  
qualcoselt tla stuffarola.

Quand la prima la fu cota  
un'ora appena prima d'nota  
la capocia la Teresa  
la scapò fora da chesa  
avvisei ch' iandassa d'zora  
che d'magnè l'era bel ora.

La neitt bisogn da dil do volt.  
quand a zena is fu raccolt  
i prinziplò za a dei l'attac,  
ca d'vantassa e prim vig,...  
se me av digh una busia  
criril proprie in feda mia!  
e fu un diluvie universel...  
a ma raccont che scarpinel  
che cla pieda is la lampeva!  
chel do don i là cla feva  
al ieva mes dou tegg in fila  
l'in feva temp ad arrostila!  
i na magnè quattorg a testa!  
ià avù cor da fei la festa  
ma vintiquatre litre d'vein  
ma tri cappoun e do gallein!  
e pu i diss, le stè una zena  
bona se, ma piccolena  
per ste ben de chent dla sera  
le mei cla sia ste leggera...

Dio ne guarda! sl'era da pranz  
is magneva un pera d'manz!

E fu pu dietre st'ocasioun

che nasci una gran questioun  
tra padroun e contadein  
l'arzipret e zavattein.

E contadein brutt incanted  
ei died un vein ten prelibed  
me padroun, che quand leit bu  
a ni parett compagn de su...  
ei diss, dimmi Barberino  
come mai che questo vino  
e miglior del mio un mondo?  
non è l'uva del mio fondo?

Barbarein che tla pianteda  
un po' d'uva e la eva capeda  
e restò un moment confous...  
finalment pu che rispous:  
cos oi de di me sor padroun  
sarà ste che m'un filoun  
la givess un po più bela  
la avrà imbocc tla mi mastela.

P. - Dunque tu mi hai gabbato!  
la miglior ti sei capato!

- Ai dmand scusa sor padroun  
a no gabbed a ma nissoun,  
a ne capezi Barbarein  
da fe st'imbroi... sor Luisein!  
ho fat sempre e mi dover!  
iè d'insteda at chi canter  
che me a butt via e sudour  
come una macchina a vapour  
per magnè un pez d'piadaza  
dl'acquadizza e una ringaza!  
sa es gabè a sarea un sgnour  
come qualunque sffuttadour!  
- E padroun cle un prepotent  
stel paroli quand el sent  
e de fora at na scattura  
con du oc ch'feva paura!...  
Ei diss, sei un gran birbante!...  
non venirmi più davante!  
che risposta e stata questa?  
chi ti ha messo nella testa  
queste idee socialiste?!  
altrochè persone triste  
sarà stato un biricchino!  
forse qualche ciabattino!



E calzoler che sent i ehae  
(sta parola la è per me  
supte e diss a tla su ment)  
ei saltò proprie i sacrament!

Ei diss, che senta Sor Luis!  
chei pensa ben ma quel che dis!...  
me a bed sempre a lavorè  
e an a trov di raz a plè!  
de rest se cred pu me ca sia  
a togh su i ferr e pu a vagh via  
e mai piu ca venga i quà  
sa campas n' eternità!...

L'arzipret che converseva  
con cal don a ni badeva,  
ma sentend sta pantumena  
ei vos mett la su zampana.  
ei diss, senti caro Baldo  
non la prender tanto in caldo  
il padron non ha già detto  
che sei stato poveretto...  
ma siccom sei socialista  
non ci fai 'na bella vista.

E zavattein ei guardò fiss  
a ma che pret, e dopp ei diss,  
O bela o brutta me an bazil,  
am dispies ades da dil  
me a bed sol pi mi affer  
a pens pprie com em per!...  
e quant en po' di niint nissoun  
an no bisogn d' scocia qua...  
quand a faz e mi dover  
chim rompa al iov in te paner!

E pret allora a ni rispos,  
ma e padroun cle un po fugous  
e chmanzò a rugg, es levò in pid,  
più che prima inferocid... .

Ei diss, sei un framassone!  
ci vorrebbe 'sto bastone!  
e za e l'aveva poc louten  
chel prilleva i le ti men...  
ma quand e vidd me scarpinel  
a de un ocieda me cortel  
ei ciapò la tremarela  
e cambiò subit favela  
ei diss, voialtri socialisti  
siete stupidi... utopisti...  
avete proprio un bel dire  
quello di voler partire!  
ma colui che l'ha comprato  
il capital non l'ha pagato?

E zavattein cle permalos,  
e voltò e cul e ni rispos  
ma e contadein però che sent

(clara in lega) st' parlament  
che in tla camera d' lavor  
l'era dvent un mez dotour.  
ei diss che scusa sor padroun  
Lu l' avra milla rasoun!  
quell cla compre e capitel  
la e dirilt da conservel...  
ma anche quel pu che lavora  
la bisogn chei scapa fora  
la merceda per campè  
se no e puraz com al da l'af

P. Ma dimmi stupido cretino!  
non ha forse il contadino  
del raccolto che si fa  
anche piu della mettà!

C. E dis ben Lu sor padroun  
quest i què le una rasoun  
che nissoun ii la contrasta  
ma è mel brutt le cla ni basta!  
slai restassa tutt intera  
la su perta, e dis e vera...  
ma l'a i taioun, l'ha e zuatic  
l'ha la desina, l'ha e fumatic  
quel chei tocca dila raccolta  
l'arpartise un' enta volta...  
donca Lou dal quattre pert  
si e no chen ciapa un quert,  
e magnarà polenta scietta  
e e bivrà ma la capletta!

P. Cosa dunque dovrà fare  
il padron, gli dovrà dare  
il raccolto tutto intero?  
ma sei stupido davvero.

C. E padroun se fuss com s'dev  
e dovrebb paghè iagrev,  
acciocchè me contadein  
chei restassa e pen e vein  
biancheria let e pan  
da potè campé tutt l'an.

P. Poi... portarlo anche in carrozza?  
ma finiscila bambozza!  
imbecille d' un cogl...  
già tu sei un gran zuccone!

E contadein ca ne un martuff  
che d'chi nomm e sera stuff  
e chmanzò un moment a rugn  
a svoltè iocc e stregn e pugn!

E pret allora se padroun  
i pansò d' ciapè e trentoun  
finch la streda el'era sciutta  
altriment la s'feva brutta!  
iattaco la cacciatora  
e via d' tret chi eurr ancora.